



# DAUTBAŠIĆ I ŠAHMAN

## **UHAPŠENI** SIPA izvela akciju Lutka 2

# ZBOG OMETANJA

# SLUČAJA KELJMENDI



- Osumnjičeni da su naveli na davanje lažnog iskaza svjedoka u predmetu Tužilaštva BiH protiv Nasera Keljendija i drugih pred pravosudnim institucijama Kosova
- U sarajevskom Tužilaštvu otvoren predmet u vezi sa izjavom koju su Dautbašić i Šahman potpisali kod notara, a koja se odnosi na Azru Sarić

► 2-3. strana

# SARAJEVO

## SIPA izvela akciju Lutka 2 DAUTBAŠIĆ I ŠAHMAN UHAPŠENI ZBOG OMETANJA SLUČAJA I KELJMENDI

- Osumnjičeni da su naveli na davanje lažnog iskaza svjedoka u predmetu Tužilaštva BiH protiv Nasera Keljmendija i drugih pred pravosudnim institucijama Kosova • U sarajevskom Tužilaštvu otvoren predmet u vezi sa izjavom koju su Dautbašić i Šahman potpisali kod notara, a koja se odnosi na Azru Sarić

Pripadnici Državne agencije za istrage i zaštitu (SIPA) jučer su, po naredbi Suda BiH i po nalogu Tužilaštva BiH, uhapsili Bakira Dautbašića (1968), dugogodišnjeg sekretara Ministarstva sigurnosti BiH, te Bilsenu Šahman (1971), njegovu (navodno) nevjenu suprugu i stranačku kolegicu (SBB), zbog sumnje da su počinili krivično djelo ometanje rada pravosuđa, odnosno da su naveli na davanje lažnog iskaza svjedoka u predmetu Tužilaštva BiH protiv Nasera Keljmendija i drugih pred pravosudnim institucijama Kosova. Privedeni su u prostorije SIPA, a nakon saslušanja sinoć su predati Tužilaštvu BiH koje će odlučiti o daljim mjerama.

čnim djelom ubistvo". Kako se jučer moglo doznati, Dautbašić i

### Lutka 1

Naser Keljmendi je trebao biti jedan od optuženih u predmetu Lutka 1, ali je uspio pobjeći iz BiH 2012, kada je bh. policija pokrenula akciju protiv najveće kriminalne organizacije koja se bavila trgovinom drogom i koja je bila upletena u nekoliko ubistava koja su dosegala i do samog vrha vlasti. Tužilaštvo BiH je u predmetu Lutka 1 još u augustu 2013. podiglo optužnicu protiv Darka Eleza i 31 osobe, kojom ih tereti za organizovani kriminal, više teških ubistava i pokušaja likvidacije i brojne pljačke izvršene na teritoriji Sarajeva i Istočnog Sarajeva. Osim Eleza, vođe kriminalnog klana iz Istočnog Sarajeva, optuženi su još Bojan Cvijan, Branimir Minić, Muhamed Ramić, Davor Elez... Optuženi se terete za teško ubistvo Vladimira Mačara, Milana Vlaškića, Borisa Govedarice, Zorana Goluba i planiranje i pokušaj ubistva Đorđa Ždrala. Tužilaštvo BiH je grupu optužilo i za pljačku transporta novca Privredne banke Sarajevo, u iznosu od 2,2 miliona eura, potom pljačku transporta novca Pavlović International banke iz Bijeljine, kada je ukradeno oko 1,8 miliona KM, kao i za pljačku oko 670.000 KM iz Pošte 2 u Sarajevu. Ovaj postupak je u toku u Sudu BiH.

### SIPA u Vijeću ministara

Kako je saopćeno iz Tužilaštva, Dautbašić i Šahman su uhapšeni u okviru akcije Lutka 2 na području Sarajeva, a tokom akcije su prikupljeni dokazi protiv osumnjičenih: terete se da su tokom decembra prošle godine "putem zastrašivanja i obećanja nezvoljene koristi navodili na davanje lažnog iskaza svjedoka A. S. u krivičnom postupku koji vodi Tužilaštvo BiH i Osnovni sud u Prištini protiv N. K. i drugih zbog krivičnog djela organizirani kriminal u vezi sa krivi-



Dugogodišnji sekretar Ministarstva sigurnosti BiH

Šahman su osumnjičeni da su Azru Sarić (koja je 2007, u vrijeme kada je ubijen Ramiz Delalić Čelo, bila njegova djevojka, op.a) tjerali na lažno svjedočenje.

Prema nezvaničnim informacijama, u sarajevskom Kantonalnom tužilaštvu je otvoren predmet u vezi sa izjavom koju su Dautbašić i Šahman potpisali kod notara, a koja se odnosi upravo na Azru Sarić. U izjavi se, kako saznajemo, navodi da je Sarić vršila pritisak na osumnjičene kako bi je stalno zaposlili u Univerzitetsko-klinički centar u Sarajevu, gdje trenutno radi. Dautbašić i Šahman su ove sedmice, a na okolnosti pomenute izjave, trebali da budu saslušani u sarajevskom Tužilaštvu.

Doktorica Azra Sarić trebala je svjedočiti u decembru prošle godine, nakon što je iskaz dala i Čelina zakonita supruga Ehlimana Delalić. Iako je bilo dogovoreno da će Azra Sarić svjedočiti videolinkom iz sudnice Suda BiH, do obrata je došlo kada je svjedokinja prijavila da je izložena strašnim pritiscima i da je više osoba od nje tražilo da počue iskaz.

Hapšenje Dautbašića jučer su izvršili pripadnici SIPA i to po njegovom dolasku u zgradu Vijeća ministara BiH, gdje je i sjedište državnog Ministarstva sigurnosti. Bakir Dautbašić, kako se navodi na zvaničnoj stranici Vijeća ministara BiH, učesnik je brojnih edukativnih seminara i radionica iz oblasti prava i sigurnosti. Certificirani je menadžer danskog centra za razrješavanje konflikta, te je član komiteta eksperata iz oblasti državljanstva u Vijeću Evrope u Strasbourgu. Radio je kao stručni saradnik vojnog pravo-

branioca od 1995. do juna 1996. godine. Od juna 1996. do jula 2000. bio je stručni saradnik u oblasti državljanstva u Ministarstvu pravde i opće uprave i Ministarstvu civilnih poslova i komunikacija. Od marta 2003. godine obavlja posao sekretara Ministarstva sigurnosti, a bio je i šef Monitoring tima za praćenje primjene bezvignog režima. Uoči Nove godine, najavljena je kandidatura Bakira Dautbašića ispred SBB-a, čiji je visoki stranački funkcioner, za državnog ministra prometa i komunikacija.

Bilsena Šahman, članica SBB-a i kandidatkinja ove političke stranke za Zastupnički dom Parlamenta FBiH na općim izborima



2014. godine, u javnosti je poznat i kao magistrica farmacije, te dugogodišnji rukovodilac u JU Apoteke Sarajevo.

### Prodaja narkotika

Specijalno tužilaštvo Kosova je protiv Nasera Keljendija u julu podiglo optužnicu za organizovani kriminal, teško ubistvo, kupovinu, posjedovanje, raspodjelu i neovlaštenu prodaju rizičnih narkotika i psihotropnih supstanci. Prema optužnici, Keljendi je bio lider i vođa organizovane grupe koja je odgovorna za ubistvo Ramiza Delalića Čele u Sarajevu 2007. Uhapšen je na Kosovu 5. maja 2013. i od tada se nalazi u pritvoru, a prije tačno godinu se izjasnio da nije kriv. Pravosuđe BiH ga tereti za pokušaj ubistva, te za prodaju i distribuciju nezakonitih narkotika u Južnoj Americi, Turskoj, Srbiji, Hrvatskoj i drugim zemljama zapadnog Balkana.

**A. BRKIĆ - ČEKIĆ**  
**UMJESTO MATANOVICA**  
**Uoči Nove godine,**  
**najavljena je**  
**kandidatura Bakira**  
**Dautbašića ispred**  
**SBB-a, čiji je visoki**  
**stranački funkcioner,**  
**za državnog ministra**  
**prometa i**  
**komunikacija**

### Mali čovjek

Bilsena Šahman jučer je, prema riječima njene advokaticke Vassije Vidović, negirala navode koji joj se stavljaju na teret.

- Istraga je tajna, ali ono što mogu reći je to kako se mali čovjek nađe ni kriv ni dužan u središtu velikih obračuna, istakla je Vidović za Oslobođenje.

Članica SBB-a i kandidatkinja ove političke stranke na općim izborima 2014.

